

臨證指南醫案（十二）

種福堂公選良方卷三

同人公較

疝氣

治諸疝海上丹方。

雄猪大腰子一對。不落水去膜併

血切作片。以大茴香小茴香各一兩俱炒為粗末。同腰

子拌勻。復以猪尿胞一個入拌者在內。紮固用無灰好

酒二碗。砂鍋內懸尿胞於其間。煮至酒存半碗。收出一

併切碎。焙乾研細。存酒打糊丸。如桐子大。每服空心陳

酒送下七十丸。一方用生白酒三碗煮。

治响疝并小腸氣。

木通 川棟 大茴錢各一 飛鹽五分

半

右為末水酒調服。頭服出汗。服七日全愈。如少年者加一倍。俱空心酒下。

治痛氣方。

荔枝核 六兩 橘核 一兩

打碎炒

小茴 炒 六兩

川棟子

一兩 酒蒸 蘿巴 一兩

酒拌炒

吳萸 一兩

鹽水炒

澤瀉 兩

甘草 五錢

青皮 一兩

山甲 二兩

土炒

右為末。每服一錢。升麻一分半。黃酒調下。

治濕疝陰丸作痛。

蘄艾

紫蘇葉

煨

川椒

炒熱各三兩

右三味。拌勻。乘熱。絹袋盛夾。囊下。勿泄氣。

治陰囊腎子腫大方。

竈心土三升。砂鍋內炒熱。加川

椒小茴香末各一兩。拌勻。將陰囊坐在上面。冷則再換。

如此三次即愈。

治陰子腫大不消。頂大荔枝核十二三個。煨灰存性。

以火酒調如糊。吃下即消。若重者再吃一服。

治疝氣偏墜。用肥薑切片鋪板上。上堆蘄艾一尖。

點火燒之。候將完即乘熱帶火連薑并艾搗極爛。將鮮菜葉一大片。放手掌內。即以薑艾攤勻菜葉上。用手向腎囊底下托之。初時其冷如冰。須臾滾熱。通身出汗而愈。

心口胃脘痛

治心頭痛欲死不可忍者。

良薑 厚朴薑汁炒 靈脂

右各等分為末。每服一錢醋湯下即止。

治心痛方。實胃口痛也。若真心痛不治。高良薑酒洗

七次焙研香附子醋洗七次焙研。右二味各記另收之。病因寒得

者薑末二錢香附末一錢。病因怒起者香附末二錢良

薑末一錢。寒怒兼有者各用一錢五分。臨服時以米湯

加入生薑汁一匙食鹽一捻。或二服或三服。痛止後用

鏟刀挑鹽一撮火上燒紅泡湯服。并服大棗數枚。約數

朝神效。

治心痛方。婦人服之甚效。丹參一兩檀香一錢砂仁一錢

共煎八分服之即愈。

治心口胃脘痛。用大黑棗去核。每個中間入胡椒七

粒。仍將棗包好。炭火上。煨焦黑存性。研末。每服三四分。陳酒送下。三四服必愈。加木香枳壳紅花當歸五靈脂少許更妙。

治胃口痛方。

手指甲。男痛用女右。女痛用男左。剪下。

於新瓦上炙脆存性。爲末。約四五分。入砂糖少許。或湯或酒調之。食遠服。

治胃寒常發。惡心嘔吐。或痛。

用老生薑半筋。去皮搗。

爛絞汁去渣。隔湯煮一二十沸。停火。將上白洋糖半筋攪入。再煎一滾。收之。時時吃二匙。作三四日。吃完。重者服至兩料必愈。

治胃寒嘔吐。兼治寒瘧。

大黑棗七個去核。每個內

入丁香一隻。煮爛去丁香。將棗連湯空心服。七服見效。

治嘔吐不止。

陳梅醬煎濃湯。如有火加竹茹。有寒加

荳蔻。或砂仁。或煨薑。如無梅醬。以烏梅代之。

治嘔吐方。

見食卽嘔。或食罷卽吐。初起者易治。此痰在

胃口也。

生薑二兩打碎。陳皮五六錢切碎。泡湯一

碗。慢慢逐口吃下。自安。甚者竹瀝薑汁和勻。逐匙挑在

舌上。燕下。若嘔急。并藥吐出矣。

治感氣。或飲食傷脾作痛方。

橘皮一把煎濃汁一碗。

打入鹽薑少許。吃下神效。

補脾養胃方。名陽春白雪糕。茯苓。山藥炒。芡實。

蓮肉去心各四兩。糯米。黃米各半升。白糖二兩。先將藥

米粉蒸熟，再入白糖，印作餅子，晒乾，每日空心吃幾個。

極有益。

治老人脾泄最宜。名玉露霜。白朮二兩。陳皮一兩。

蓮肉四兩。苡仁四兩。糯米。菘荳。陳米鍋焦各一升。

共為末收貯。臨用時糖霜量加。將滾水調服二三兩。

治腫飲。燈草一把。蘿蔔子一兩。砂仁二錢。

將二味研末，傾入燈草湯內，畧滾，即盛入茶壺內，慢

慢吃下，吃盡不見效，如前再煎一服。俟腹响放屁，小便

長而腫卽退。

呃逆

治呃逆欲死。

半夏五錢生薑二錢五分水煎服卽愈。

治病後呃逆不止。

刀豈子燒存性。滾水調服二錢卽

止神效。

治呃逆不止方。

用荔枝七個。連皮燒灰存性爲末。白

湯調服立止。

欬逆

治欬逆方。

明雄黃一錢。酒一杯。煎七分。急令患者嗅

其熱氣卽止。

又 好硫黃乳香各等分。以酒煎急令患人嗅之。

又 硫黃 乳香 艾各三錢

治食物醋心。用胡荽嚼爛生薑下立止。

耳

治耳暴聾方。菊花 木通 石菖蒲 搗爛酒服之。

治耳聾方。真北細辛研末。鎔黃蠟為丸。如鼠糞大。以

綿裹塞耳中。二三次即愈。

又方。老鼠胆汁滴入耳中。二三次即愈。

治耳內出膿方。胭脂 枯礬 釘鏽粉 右各等分

為末吹之立效。

又方。

羊屎彈

燒灰一錢

枯礬

輕粉

各五分

右為末。用棉

花捲淨耳內膿。將葦管吹入立效。

治耳中膿水不止方。

龍骨

枯礬

乾胭脂

要產山東濟寧

府如銀珠樣紫色者非綿胭脂亦非油胭脂

海螵蛸

各等分

麝香

少許

右為末

先以棉紙撚乾。輕吹耳內。

治耳中腫痛并出膿血方。

黃魚牙齒。瓦上炙存性為

末。放土地上退火氣研末。加冰片少許。菜油調雞毛蘸

入耳中。加乾胭脂更妙。

又方。

用橄欖核燒灰存性。每核一枚。入冰片二釐。研

極細末。吹入耳中即愈。

治耳中常出血方

五色龍骨。煨研細末。吹入耳中即止。

止。

治耳出臭膿方。

龍骨煨 五倍子炒 乳香 枯礬 血

餘灰

右各等分為末。捲淨吹之。

治耳中膿水不乾。

石榴花瓣不拘多寡。炙脆研末。加

些冰片再研。吹耳自愈。

治百虫入耳方。

如虫入耳。不可驚動。在左耳。以手緊

閉右耳。及兩鼻孔。努氣至左耳。虫自出。右耳亦然。

目

烏羊肝丸

大能烏鬚黑髮。聰耳明目。

黑羊肝一具 竹刀

切片放磁盆內。再以羊胆不拘多少塗晒乾。又塗又晒。將胆汁塗晒至二三百個為佳。少亦要在百個之外。以胆汁多為妙。晒時當歸酒浸。白芍酒炒。川芎各四兩。熟地六兩。以紗罩晒極乾。酒蒸何首烏九蒸。覆盆子炒。山萸去核炒。旱連草酒拌。白茯苓乳。血餘。生地酒洗各四兩。右藥不犯鐵器製完。共和一處。再用大熟地十二兩。酒煮一晝夜。取濃汁一碗。拌藥內煉。煉蜜為丸。桐子大。每服百丸。空心酒下。臨臥亦服一次。

治虛眼方。 凡虛人目無病。到點燈時候。即不見物。或

羞明。只用羊肝煮食便效。不必服他藥。

治雀目方。

日落不見物也。

石決明。

夜明砂。

各二錢。

猪肝 白羊肝各一兩 將肝二片。中間盛藥。麻線紮定。

淘米泔水一碗。砂礮煑熟。臨臥服。

又方。用羯羊肝一具。不見水。不犯鐵器。以竹刀切開。

入谷精草細末。瓦罐內煑熟。不時服之。屢驗。黑羊者佳。

治風火眼洗方。歸尾 胆礬 銅青各一分 防風 荆

芥 赤芍 川連各二分 杏仁十四粒去皮尖研 右絹包煎洗。

治弦爛風赤眼洗方。文蛤 黃連去淨毛 防風 荆芥

穗各五錢 苦參四錢 銅綠五分 右為極細末。以薄荷煎湯丸。

彈子大。臨用以熱水化開。乘熱洗眼。每日三次。神效。一

方有川芎當歸各四錢。

治爛眼皮方

用掛金燈淨壳。每壳一個。摻入研細透明綠色胆礬末二釐。或用壳十個。或二十個裝套好。外用淨磁黃泥包裹好。勿令泄氣。炭火煨至中間壳將成。黑灰存性放地上。用碗蓋熄火。將中間灰研細包好。放土地上一夜。出火毒。每用灰少許。放茶杯內。以冷松蘿茶浸之。用薄棉紙蓋在茶面上。俟茶滲出紙面上。將此水洗眼皮。每日五六次。二三日即愈。

治火眼熱障眼痛不可忍者

用黃連爲末。人乳拌勻。似糊樣。攤碗底上。用艾如雞蛋大一塊。放地上。點著。以黃連碗覆上。令艾薰透。取起。以清水一小杯。調濃上覆。

棉紙一張。隔紙透出黃藥汁。以簪頻頻點洗。卽愈。

治眼中努肉方。用蛇退一條。將麻油三錢。炒黃色。不

可焦黑。葶苈三合。炒砂糖一碗。水一碗。共煎七分。食遠服立退。二三年者可治。兩服卽愈。

治火眼方。用小兒糞中蛔虫一條。用水洗淨掛陰處。

下用磁盆盛其滴下之水。入冰片五釐。再加人乳一茶匙。用熱水隔湯燉溫。以雞毛蘸眼上立愈。

治風火眼方。童便煎甘菊湯。頻頻洗之。

點眼神方。真川連 川大黃 黃芩 川羌活 甘

菊花 龍胆草 薄荷 防風 荆芥 木賊 蜜蒙

花各五錢

北細辛

川芎

蟬蛻

青箱子

即雞冠子

黃柏

白蒺

蔓荊子

各三錢

以上諸藥須揀淨用水二大碗。

熬煎濃汁成膏去渣。一小鍾將上好盧甘石三兩放銀

罐內煨酥。研極細末。用甜水飛過。入冰片三分。麝香一

分五釐。仍入乳鉢內磨細。將前藥汁入內成丸。如菘荳

大銀硃為衣。一時烘乾。即收磁瓶內。不可見日。臨用以

水磨化。點入兩眼角內。輕者只用半丸。重者一二丸。即

愈。

又方。

冬天取淨臘雪。將大葶藶。同雪水磨粉晒乾。加

冰片少許。入鷺毛管中。點眼神效。